

魏季子先生文集

魏季子文集卷三目

七言古

贈李元仲

十九夜

秦中歌

寄壽吳城楊翁

周木天屬作羅靈最割股詩

兩伏波詞

乘月渡海歌

贈危習生四十

梅嶺松

滇陽峽

雲零石歌

朱靜庵來赴家兄生日之約臨別卻贈

秀之二
贈賴子弦山居

長至篇爲涂允恒壽

送曾省之兼寄訊嶺南故人

贈淮安張天中

贈孫無言歸黃山

黃河舟中

送伯兄東房北行至南

昌別

秋風歌贈宋岸先

孔正叔先生七十

望見

喜雨示儼侃生日

西軒飲酒歌

鬱孤臺歌步宋牧豨員外韻

題觀潮圖

看菊吟甲戌二月二日

魏季子文集卷之三

寧都魏禮和公著

伯兄際瑞善伯

叔兄禧冰叔

言

七言古詩

贈李元仲

官吏欲見如見龍野人欲問如扣鐘短衣溼履到君
屋開口盡言無從容呼僮取水濯我足把箸飲泉大
嚼肉知我此行不久留愁我兩雪行不速昔吾讀史

秀之二
卷之三
九三
曾有聞今吾對汝見其人酒酣耳熱不自得如君豈
可只論文夜重天寒月不白風雨聲中對主客好花
獨落污泥間男兒不遇真可惜

十九夜

明月掛天中風雲走萬壑四望有無閒星漢乃寥落
秋氣肅肅來隱隱生城郭

夜色迴如水萬里懸明河吾欲乘風行撫掌以長歌

歌曰

皓月皎潔無纖塵瑤光飛色入河津布衣糲食周吾

身不知何者是君臣邈然興懷世外之仙人理亂與
衰貧賤富貴非所聞散髮跣足自爲羣欵天南天北
好風來古之豪傑英雄安在哉

李咸齋云奇格古所未有如此橫肝可壓太白
曾止山云曠者必悲此詩曠在言中悲在言外

秦中歌

中有嬴氏從此興始皇之身四海平顧以詐力兼天

下匹夫作難而土崩

躬云只四句已畢
秦紀何等筆力

方其發跡嶠

函時玩弄六國如小兒侵陵削奪不終極誰敢西向
一興師哀汝六國何其愚均謀併力亦區區合縱之

說不可行遂使宗廟成丘虛太子燕丹憤其阜馬角
烏頭心未毀荆卿一去不復還徒令蕭蕭悲易水亡

韓何物少年子國破君殘心獨恥圮橋石上履猶存

博浪沙中椎不死

邦士云燕丹荆卿子
房並提係塊何限

作門表闕海

之東滌王蕩帝自人雄

躬云妙在不抹煞
始皇眼光最高

復閣崢嶸

相繼屬雲霞焜耀阿房宮項籍鹵莽成一炬咸陽三

百里黑土寒光萬里動悲笳沙漠黃塵飛白莽赤帝

手提三尺劍五載馬蹄狐鼠斂大風起兮雲飛揚豐

沛田廬何足念竇融文齊皆丈夫咕咕嗶嗶者庸奴

發難強秦亦何人可憐當日陳與吳

彭躬庵云可絕作秦漢間八九絕句俯

仰典懷各有繫屬未結尤龍門之砥柱

吳崧三云只就當日事情莽莽蒼

蒼叙去感慨淋漓已不可仰視

寄壽吳城楊翁

未交楊椿交林彭以椿爲子知楊翁翁今行年當七十
椿遠裁書寄二公林彭謂我楊翁美開門直揖天下
士有時策杖左蠡湖朝望日出夜月起椿能植義
多父風我欲登堂拜若翁君家遠隔三江水我住金
精十二峰峰上懸泉穿石雷藥草紛紜出三秀仙人

飛去白雲封我下采之爲翁壽

周木天屬作羅靈最割股詩

寒風昨夜起高樓海天雲物皆深秋客子不寐擘做
夢周生語我羅靈最自割其肉父病瘳我有一二指
搖慮無聊何況霜鐵飛光攘肌骨相糾愛莫能助甘
虔劉豈得繩以孔與周嗚呼鏃臂飲血久爲兒女子
歸之忠孝乃佳士

兩伏波祠

邳離之來拓遠疆新息之來輯舊土好大喜功死其

非漢武是光武光武身為漢子孫失其尺寸黍

歎祖邳離不來草昧荒新息不來誰識主數千百年

義猶生春社秋社忙里鼓區區卜海稱明神

東坡伏波廟記

云南北之濟海者以伏波為指南九牛一毛何足數

蓋必卜而後濟始無風濤之患嗚呼將軍將軍名海濱冷烟敗瓦長苔痕中原板蕩

聞不聞

彭躬庵云此詩盡懷盡興盡致憑弔古今不失銖累似欲與慷慨大志人把臂灌耳能使泥神兩泣

乘月渡海歌

人生何為來渡海風惡浪惡翻心胸十里之外見雪

白百里之外聞瀟衝水聳天低月如烟照我慘淡一
艨艟浪拍船頭顛船脚飛騰勃率游太空蛟龍在下
我在上眼無天水船無風爲語爾風爾欲吹我何處
去但當識我意所之猙猙寂寞皆可同海水搖蕩朱
火紅乃見日出分西東

甘健齋云和公跋此詩言有詩而不有其廣博深
厚瀟洋恍惚爲海所勝神情不自王謂之充詩予
極賞愛讀此詩正自
神情甚王足以勝海
彭躬庵云語奇衆驚意奇
獨賞魚龍怫鬱賴此鼓吹

贈危習生四十

石上生松根始奇雙手紀家爲難爲

伯兄云起似樂府

君伯

嗜瘠而棄肥捉衿肘見心樂之君得其意與相知四

十無家甘如飴米鹽凌雜視已私三月四月茶拳旗

焦釜於鑠夜難支君之爲弟已如斯

一句總上

日心石骨

照君危願君嚴苦生光輝

梅嶺松

三載三行梅嶺道梅嶺道上風塵曉路旁不識何年

松見我驅馳特草草松樹之大大十圍其高直與青

天齊左迴右轉看不盡最妙百尋倒折枝梅嶺梅花

舊有名枝南枝北浪無憑

書載庾嶺多梅花南枝落北枝始開讀書已

令疑前志我欲投燒山海經又傳梅銷名此地漢代
功名今若是當年烏逕縮如喉曲江錘鑿誠多事我
憇松下忽狂呼駟車駟馬闖道途爲予寄語唐丞相
松樹皆爲秦大夫

滇陽峽

衣裳離披立出船曉風瑟瑟寒溟烟峽口已入迴峽
門峽中百折不肯前巧石座座如列筵遙光翠色相
被宜如傾若仄勢飛軒巒嶢細壁掛玄猿錯石竟斷

轉復延絕圻三開橋三連沙光石光光嬋娟路已出
峽石復然

雲零石歌

有序

英韶之際有石甚佳而名惡湛子梁子曰更名
之予極其勢綿亘江滸靈峭不一字之曰雲零
因作雲零石歌

雲零之名何以名蠹者有似雲之起迤者有似雲之
平結者氤氳雲之胎輕者淫染雲之行奔者傾軒雲
之風鬱者有似雲之停晶晶英英雲之日積者斑斑

雲之層人者斷之雲之斷零者鳥飛雲之驚石中有
雨亦出雲綴而珥抱雲之生湛子梁子領之云雲零
之名遂以名

朱靜庵來赴家兄生日之約臨別却贈

我見栽桃花著枝納冰出冰食有時家兄去夏壽黃
山今年正月君徑來冰雪薄薄數百里鳥不飛鳴人
當之與君十日話山閣聞之洵是好男兒古人有言
日思者不可爲太息悲者不可爲累歛送君莫立春
江水江頭春草正萋萋

贈賴子弦山居

石上朝日而夕月不愛春花愛冬雪
春花開在冬雪中見者無不歎奇絕
我兄之心我之身汝能結屋依山
腋石塘止水照汝門高竹寒梅坐
相接南風吹溫北風寒溫者春陽
寒者冽我不飲酒亦興豪我不能
歌每數闋勺庭先生我忘言愛汝
皆得聞此說

確云忘言

矣又皆得聞此說非解人不知

彭躬庵云篇中只汝能愛汝四字寫出子弦全副精神此杜詩後有韋諷筆法也點睛全不在多畫肉人不解此法

委三二二集 卷三
長至篇爲涂允恒壽

八神樹影式如晷自古薦長以襪履習習融風東北
來編珠合璧見星緯日當南斗宗三微律稱和氣灰
半飛陽旣萌芽天地應芸囟蘭圃發光輝仙人池館
生堯韭金鹽玉豉可長壽知君嗜德不嗜方庭階和
穆勝春酒狼駿山頭朝日升君復允如月之恒太上
從來尊暢月卜年八百爲周正

送曾省之寄訊嶺南故人

山木倒地呼天風突突岬岬夜方中擁被獨臥春寒

急心馳朔漠醫閭東說君三日去南越親見其中生

蛟龍直騰海水浸五嶺臂挾飛魚攻鴻蒙

躬云似
古謠爲

我語五嶺之人窠欲聰煞更鼓打海水紅

奇峰
天外

贈淮安張天中

君子受譽如受毀豪傑報恩如報讐丈夫磊落不得
意吹燈夜起看吳鉤淮陰市上日當午茶亭酒肆喧
歌舞不見當時惡少年何論千金老漂母天中意氣
成春雲于我如逢異地親樓上鐘聲對曉色門前荒
草共黃昏輕舟自過燕齊水長河濁浪勢千里秦梁

不去空南來做衣短髮見吾子

叔兄云如此詩可謂語不驚人死不休矣覺紙上咄咄逼人觀者目瞬

贈孫無言歸黃山

我聞黃山草木奇孫子先歸勞我思孫子後歸須我

來我將敷衽以陳辭請于黃帝一問之

黃山以黃帝得名

何

謂垂衣裳而天下治伶倫作律吹太和何憇陽沍陰

多垂夫天時隸首之笑多寡短長使後人不知大撓

之甲子而空繫乎千支容成作厯闕閏以爲疑賢哲

貞疾以弗瘳奚尚進岐伯而問醫諄曰黃帝旣興涿

鹿之師何至今天象留蚩尤之旗問首山之鼎何在
借我併烹戴地之四鼇奉佐帝卮我欲擘東西南北
天之龍須佩烏號以爲儀帝曰予旣乘元御乎太虛
予裔子孫作君作師如大海之魚不可麗拘汝奚喋
喋以聒予孫子聞之攘臂將須踞椒而軒渠

叔兄云意好奇而力足以發之不得不謂之
奇文也○妙處在直如一句故其勢甚峻

彭躬庵云太白狂士
靈均騷人此能兼兩

黃河舟中

天風爭上河爭下我之乘船似乘馬風水緩急交勝

負張帆落帆不得任輕舟播蕩地勢連黃雲四塞欲

吞天豈有神驅使倒流

金龍大王事

徒令我船縮不前君

不見黃河一道崑崙直萬里奔濤界南北哀哉河南

亦是河北人天上之水界不得

彭躬庵云河海一氣耳季子胸中南海北河
融成一片縱筆所如軒豁呈露雄視天壤

送伯兄北行至南昌別

北風吹動南浦水榜人擊楫秋江裏芙蓉蘆荻欲開

花我留兄去同離家北風南上南風北我歸兄獨長

為客醉中分袂庶不悲

蕭蕭送兄事

誰復此時能醉得

秋風歌贈宋岸先

四時獨愛秋天好當秋直下章門道
鯉魚風起動蛟宮對君意氣如秋曉
君不見秋風自古使人豪秋風最易令人老

孔正叔先生七十

君乃至聖之耳孫又有中散之鼻祖
宋中散大夫傳為孔氏南渡始

祖中散大義接君身可持此身媿鄒魯家
兄道君七十翁學比少年更攻苦喻君以火神
無我我聞不覺手之舞又聞賢溪水樹佳秋
擬過從黑雪阻是年八月新城

雨黑白雪寒雨彌旬見君族子孔用儀賢聖之後非眾伍壽君

不用稱兕觥聊獻三言作酒脯君不見晝短夜長豈

終古白日統統臨下土還與唐堯同一午

彭躬庵云叙事矩則頗嚴時有宕趣一結奇縱有分表意中語遂覺瞻視非恒

望見

望見同州沙苑沙黃于黃河之黃水上爭日月光奪

天下屯地勢數百里南北浪高南北風迷茫沈蕩稱

沙海原有沙浪沙海之名怕陷馬蹄只陷人紅纓走馬紛纏纏

不見節度有汾陽曾聞奸相緣官豕

喜雨示儼侃生日

山居泉澗思遷徙是日雷聲戶外起
兩兒儼侃恰生辰舉酒娛賓情倍喜
四山雲重雷涓涓斃盎承簷紛
注泉稱心得意如逢運有似仲謀遭伯言
暢哉耿弇

謁文叔

侃二十
一歲

赤水持蛟奮趙昱良器得隸臨淮王

六十二戰功名足

儼二十
六歲

槁竹還青麥可栽朝朝夜

夜聞雨來農夫安業能消賊如此冬雷豈是災
人生快意無大小看今石井與方沼兒曹莫浪擲
分陰自古英雄皆未老

西軒飲酒歌

梁公狄寓齋

春夜霜寒霜不飛西軒軒內紛瓌奇主人
心與客心

宜語者默者同一思酒中耳熱發鼓鼙

時王汲公
起擊鼓四

坐慷慨歌杜詩有如擊筑高漸離直上
星漢天帝知

戶外當有神靈窺酌以大斗吸虹霓我
不能飲盡一

卮左顧右盼生光輝顧盼何樂心何悲
擊鼓聲中日

月來

鬱孤臺歌步宋牧養員外韵

明明天際萬峯浮雙水滔滔今古流只
此登臨消歲

月鬱孤臺上又中秋
秋日當空照下土
荒蹤那得尋遺礎
唐闕遙瞻是何年
昔爲唐李
揆望闕臺
但聽飛鴻鳴遠浦
古城廢址尙鬼峩
野花野草閱人多
看來惟有閱身好
君自高吟我和歌

題觀潮圖

海門偪潮潮水立
雪山飛鬪錢塘入
萬雷齊發助奔瀾
白日荒荒天地溼
氣勢雄張孰敢窺
潮中偏有弄潮兒
白浪掀翻五彩色
擲跳幻忽凌蛟螭
觀者眼光恣譎蕩
風吹短髮心何壯
令人頓起古今情
秋水溟

茫江月上謾悲舉世只浮雲如此雄潮雄未真助興
蚤屈婆留射侮亾不灌蒙古軍噫嘻吁潮兮潮兮當
努力滔滔莫爲興亾役曾同珠蚌學逃名何緣復作
驚人聲

看菊吟

紅菊最宜日中看朱光爍射迸金光白菊更宜於月
下素輝晃晃欺寒霜黃菊一盆殊一種此花分外發
幽香諸色紛披盈老眼大小踈繁任短長案上幼本
不高尺墀下游枝接成行嘗見世之採菊者纔花四

五直如僵或高齊簷勞仰視或大如椀矜非常辟之
有若美人死其質雖佳其態亡我花一本盈數十置
盆恰與眼相當枝頂簇開渾不小依風漾日致悠颺
史劉范譜那能盡君子有輝何發皇佳豔肅然舍貞
氣迴殊妖冶競春陽高秋淡遠心如水是花是我各
渾忘

甲戌二月二日

立春之前多煖風立春之後始嚴冬春芳悉爲冬奪
去猶有一樹桃花紅可憐花放當寒雨朱顏綽約委

泥土一似佳人遇亂離亦如才子嬰窮苦對花忽忽
起閒愁舒懷一上望江樓滿眼雲烟迷處所茫茫天
地泛虛舟烟雨鋪來幻作海滄海桑田當面改雙眸
看盡幾窮通千秋事業今誰在王嬙冢上艸青青杜
甫長畱身後名不到坎軻名不立此花於雨受裁成
常惜紅梅乾尚結美人不夭終成拙堅不回頭李夫
人長教漢武傷離別武帝雄心總是癡翩何姍姍其
來遲曹瞞空有分香慮枉殺當年老驥詩此花若謝
他花出何事重開股七七嗤我画蛇足太多何如酣
睡待朝日

魏季子文集卷四目

五言律

嘉禾道上

水莊二首

桃李園

春中

登臺

春杪經翠微道上

翠微夜聞笛

溪上看月次韻

夜半

送曾止山南行

雜詠二首

山居

五老峯喜晤日猷僧
江上寄黃子佩

委之二
前墀

自江上歸重值烏谷

贈甘健齋病中

往廩山訪麗公雨滯南

豐三日未得行

留別賈孚遠

舟中

送董无休還會稽

月坐得溫字

寓樓偶集得辭字

尉陀城二首

期張崑承萬睂仙九日

登高次韻

除夕

過張穆之東溪草堂卻贈二首

將行畱贈白敲僧

渡上

夜泊南斜沙

上元夜分韻得人字時

余有海南之役

宿何不偕陳元孝梁器

圃陶苦子寓樓

李克濟招遊浮粟泉

寄別周自珍

歸途十首

路上有山似冠石彭躬庵林确齋所居

別王說作

宿來青閣贈主人

贛州別湛用喈梁芝五之京師

路中別吳子政

仲春集東臯限韻

霜臯偶作三首

玉泉山二首

碧雲寺二首

海淀

燕邸偶作三首

歸舟四首

送人遊三山

宿村舍晚赴隔溪人家

食

送曾周士之廣東二首

灌園二首

寒夜念叔兄在途

又念伯兄在燕

偶述

薄暮桃花

玉蘭花

山春偶作

送曾省之往福建二首

蕭孟昉五十

西行道上 一百三首

清明日行旁羅道上觸目

賞紫牡丹

辛五同葉中林度歲辛

亥復同因賦

舟泊石師山下漫題

寄姚六康

次韻贈友人

晚發

題画松爲壽

楊永年出晤

同遊西樵贈別麥叔夏

別湛用喈

宿山家二首

舟中漫作三首

借一亭牡丹

鮑子韶四十二首

寄示兒儼

翠微坐月寄懷范彥公刑部

無名樹澗

上先子墳

寄涂宜振

湯動吉步負來翠微謬欲執贄予不足當賦此

道意二首

宋牧仲郎中招同類松大士及諸子集城南僧

舍

苦雨三首

贈別詹莪士

旱

不寐

遣與

山口望兒儼不至

儼暮至

讀史偶感作二首

和丁觀察甓園詩韻六首

月臺夜坐同諸子分賦

懷白僧采庵池千葉白蓮見貽三五日更致新
者詩以酬之二首

山中卽景偶作四首 贈別陰生寅賓二首

下鄱湖忽北風起黑夜牽纜泊德安港口柴榜

漁船半是豪客凌晨急行三首

望東流城將泊

贈相人者許君榮

寄懷文信子

書荅盧孝則詩餘紙作

此

西山過石草塔弔之二首

日落

郊寺偶題

來青軒

栽菊

寄內

周長孺五十

河南道上二首

五日訓楊叅未外兄示

詩二首

郊縣

道上

乙卯元日

春寒雨有懷曾益齋行邁

西還

頓灘舟中

喜晴

家齊

家基

遊研鄰卻贈二首

兒輩摘櫻桃就樹下啖之

繡毬花同彭彥修門人王子玉盧孝則兒世儼

世儼賦

贈曾青門三十

視李氏女東龍歸途有作二首

白海棠開有懷陰生寅賓

鄭若干過京口言別賦贈二首

和荅彭子安喜雨見懷予遵用正韻故後二韻未依原唱仍用十三元合于正韻者

官人山將晡望兒儼侃不至

元日試筆

別封右瞻

夜月集吾廬同彭彥修門人吳子政歐上閑王子玉賴晉公沈仲孚盧季則兒世儼兄子世侃分得東字

積雨得晴花事復佳與諸子同賞分賦

胡媚一輓詩

黃伯衡六十一

紅橋泛舟留別邗上諸君子

送蕭有緝歸南雄遂往廣州二首

得諸子拙軒分賦詩有作

霞綺園雜詠十四首 七月十五夜二首

玉蘭桃花並放二首 霞綺園池上偶作

望雨二首

舟中贈友

孟三從兄貽水仙花二首

吳子政招諸子集屏武各有唱和詩予遙和一

百次子政韻

次韻酬鍾鹿村夢至翠

微之作

燈下白菊影

魏季子文集卷之四

寧都魏禮和公著

南昌友兄彭士望躬菴訂

五言律詩

嘉禾道上

征途嚴風駕起坐聽雞鳴細雨望中合諸峰雲裏生
炊烟村斷續春草路縱橫苦旱今方稼紛紛又說兵

水莊

溪陰不覺暑隨意足探尋樹帶羲皇色人宜樵牧心

行來通小徑望斷忽微岑鬱鬱東南際浮雲似欲深

又

寥寥當獨夜枕上聽溪流夢在半庭月涼生一簾秋
自來行到處不見此林邱我欲登高望其中少一樓

桃李園

東園蔬秩秩紅白綠都齊會得春光意隱然芳草蹊
燕來知故屋花欲過前籬獨立無人到城頭日已西

春中

踏雨行春色山山處處雲旁過依草徑反顧失柴門

天地何曾濶東南竟不分寧辭登陟苦芒屨總泥痕
登臺

柳樹牆頭出城高臺亦高秋風黃落葉夜月白浮橋
意氣輕毫髮風雲重草茅荒園聊托足指顧益牢騷
春杪經翠微道上

獨自出西郭山花無數新空香飛磴路野色點江村
原上風雷合天中晴雨分不知雞犬近遂已到柴門
翠微夜聞笛

相值偶然處相期何必工似從烟水外直入石林

夜月疑邊戍青霄隔寺鐘
狂來歌自得拔劍斫秋風
溪上看月次韻

溪上當秋暮長林一小亭
水流天色盡山遠夜心清
潛動知魚跡虛光見鳥聲
爲言往日事忽起故園情

夜半

夢過風盈榻蕭條枕席親
忽然思往古何以慰今人
高竹露初下寒花香未分
不眠知永夜鐘鼓莫相聞
送曾止山南行

愛君頻遠出不厭別離情
野艇隨江濶春風去路生

兵徒仍北府人士舊南京獨感窮山客年年柳葉青
襍咏

天際有飛鳥林泉置我身南風新草合落日大川分
近水細非雨遠嵐輕似雲坐來無一事還起望前村

又

看書時得眼開戶納烟雲泉勢爭渠落山聲匝樹吞
香燒春晝永屐齒石苔新飛鳥天中斷無人訪華門

山居

披卷讀東漢慨然到逸民古人竟若此斯世復誰論

屋照梅花夜墀開桃葉春歲時都不異惆悵倚柴門

彭躬菴云五律最推氣格此爲高渾

五老峰喜晤日燄僧

一徑萬松入前墀菊放初開門延日月登石小江湖
世眼爲誰白真心不自孤偶然成信宿歎息有吾徒

江上寄黃子俱

離家遠作客江上正秋清初以友朋意翻爲山水情
高天木葉下殘夜蓼花明實有難忘處因之百感生

前墀

前墀意未已獨立豈辭頻葉密不過兩枝高易宿雲
山聲虛納水鳥翮遠依人種此庭階樹萋萋又一春
自江上歸重值鳥谷

十年曾值此蒼壁故崔嵬徑仄獨狐走燈懸任鬼吹
寒星窺石角嚴鼓起城隈寂寂意中事徒成江上歸
贈甘健齋病中

與汝今相見孤牕此一燈直爲人弟子已是古先生
健齋昔友謝秋水積雨鳴殘夜高談得至情如君豈
先生今更爲弟子
可病我欲學醫經

往廩山訪麗公雨滯南豐三日未得行

抱疾行長路居然滯此間陰雲垂屋重飛鳥趁人難
躬云一重一難寫出雨况身外餘庭戶意中得廩山如何溪澗水
日夜發狂瀾

留別賈孚遠

賈生常作客動輒十年餘爲友傾囊篋有親在里間

躬云合說來妙

風吹大海水月傍一舟書臘後歸帆過君應返故廬

舟中

日氣炎于釜清晨畏葛裾望林聽伏鳥投粒出游魚

寢熟還交扇坐遷屢廢書久嫌山屋熱今正憶吾廬
送別董无休還會稽

董子今歸去扁舟肯載余不須賒月色正好食鱸魚
木落烟霜動秋高天水虛君生嘗膽地甘苦近何如

月坐同王震生曾青藜任道爰飲酒得温字

躬云清淺似劉存虛

他鄉仍濁酒相對正黃昏何處人吹笛坐來月到門

嶺宜估客過臺有越王存旅舍涼風早絺衣漸不温

余生生朱德先芝園葉鍾磨寓樓偶集得辭字

天涯同作客聊此一傾卮若不永今夕將無悵後時

高樓海氣煖遠戍鼓聲悲美得尊前句深慚幼婦辭
尉佗城

離家日向遠有友不爲孤錢儉收魚婢船遲及荔奴
海天遊子路城郭越王都一上高頭望牛羊滿綠蕪

又

秋衫仍獨立愛熱傍茶爐亦欲逢今世空悲失故吾
魚龍方在夜牛馬自當呼卻憶勺庭外梧桐得月初
期張崑承萬眉仙九日登高雨阻次眉仙韻

昔云嶺海菊開卽重陽期花信不相值雨中還共誰

秋驚雙雁遠

憶予
二昆

人正獨愁時爲想前宵約登高各

賦詩

除夕

故國半年別嶺梅不見花願言將木葉未可老桑麻
客子留寒色神人識歲差丈夫身尚健何用歎無家
過張穆之東溪草堂卻贈

欲下東官去春潮上晚船聞君多靜理輒爾過名園

石丈移山色茶人得水源

穆之性好石又好茶而不飲酒

竟從城市

到見此已無喧

又

客情當暇日門徑接幽篁
鳥狎午風細花繁春雨香
題牋分曲壁別屋嵌方塘
更出東溪草評論到夕陽
將行留贈自敲僧

重陰連日夕躡屐更來過
卽此爲吾事言愁奈若何
烟雲隨去路天地在狂歌
羨汝無塵俗真宜老薜蘿
渡上

客子不能寐周回依棹行
待潮山月上接水海雲生
江路夜如歲漁船火似星
可知盍且鳥辛苦共余情

夜泊南斜沙

寂寞維舟夜空濛倚大江山根雲欲淨雨後月初涼
光澗虛無岸天低直可航海邊真不定明暗已殊方
上元夜張穆之見過同王克之溫靜甫曾青藜
在道爰分韻得人字時余有海南之役

他鄉爲令節花信早知春靜夜來高士深燈存故人
剝柑耽味好對酒愛情真卻憶明朝別居然海外身
宿何不借陳元孝梁器圃陶苦子寓樓

樓上不盈掌能容我輩過評人期郭李著論罪王何

夜氣如空谷寒更應白鷺莫言此會易向後恐蹉跎
李克濟招同陳爾公王遜公遊浮粟泉

聞道荷花放香風到葛衣來尋李子約始上蘇公祠
地勢收雲物野芳入酒卮自今閒便至重過不須期

寄別周自珍

定知君去後客思易悲秋趁此涼風路還乘渡海舟
雲天依故國蘆月冷汀洲喜得遊人札開緘始欲愁

歸途

又得身無恙衝風渡海船車輪碾白日客路接青天

土俗經微貫山川好似前高秋曠蕩處聞有水潺湲

二

停車日未晚再入徐聞城新草沿官屋敗茅供鎮兵

金銀曾昔號

舊有金徐聞銀海安之號海安徐聞屬也

米肉至今平強食

兼人虎蕭條亦有生

三

日短續以曉出門月在頭草當路上白山隔望中幽

繁露猶滋夜寒風不似秋可憐芻牧子先我涉溪流

四

云是伏戎處果然地接雲枯藤懸不測老樹立驚人
躬云情境錯愕俱從起句生出
行盡深山路初逢流水村僕夫開笑
語濯足向河津

五

如火一梅彙旋過輒已非市留宿賣肉人有坐支願

隋得幾年盛秦爲萬世期

吳崧三云忽然說到

秋風涼浙歷敗

葉滿天飛

六

歸意失艱險緣途別買舸賊艘依暮發客路在天過

露滴須眉濕風恬夜水波中宵只靜對翻得月光多

七

南海沉鄉信北還想鯉魚每逢來路客輒似帶家書
日照樓塵面風吹不絮襦鳥歸車脚靜方肯入蘧廬

八

訪友肩輿出往淪水訪霜風索太乾初顛身未苦幾

夜骨都酸叔兄云酸苦屬園果隨人摘山松只自盤

對句工而疎

坐君庭砌下不覺路漫漫

九

滾滾秋原上曉涼大不同還如滯海日記得怨天風
露與草根碧霞分橘子紅呼僮攜數箇併冷到心胸

叔兄云
承格好

十

來時為畏路今宿黃泥灣

下廣多賊之地

荻竹門相次柑蔬

市漸繁偏因亂處靜

時鄰地有亂兵馬絡繹此地賊遂潛踪

遂得意中

聞不上州餘里買船下佛山

路上有山似冠石彭躬菴林确齋所居

忽見幽人宅烟蘿當晝晴呼之如欲出率爾便須登

秋茗嘗應徧寒梅吐未曾所思無_曲曲折真足慰歸情

別王說作

與爾同攜手謂予頻不留適逢歸大離別又孤舟
寒草經年色空江盡日浮若非梅嶺路徑接越溪流

宿來青閣贈主人

主人延客意靜夜一燈深橘蔗滋清味絲桐有妙音

主人好彈琴乍聽秋落手微悟夢關心動是悲涼思

非千憶故林

贛州別湛用啗梁芝五之京

千里路非近牽舟行亦徐已知爲此別不謂在須臾
河水流雲疾天光照日虛征帆難我待引望欲何如
路中別吳子政

曉色含臯樹秋風吹未闌自來同客路只似住寒山
逐水看人遠歸途念汝單江雲蘆荻雁飛翥不曾難

仲春集東臯限韻同陳冰壑朱秋崖劉砥澗王

崑繩

雪去梅花在東臯景色新感時悲獨客何意集幽人
小鳥歡晴晝閒亭隔市塵卽今吟對好莫憶故園春

躬云正
自深憶

霜臯偶作

風吹茅屋靜寒氣斂江天潔鶴翔春雨饑鳥下午烟
小齋唯見樹野水自行船景色清明近將來啼杜鵑

又

開卷書難讀閒園花送香縱談消夜氣酣睡答春光
好鳥如相悅逢人故自狂何當頻索酒醉裏失悲涼

又

徹夜偏無寐昏昏曉復然家山經好夢春鳥亂幽眠

衾枕南遊客笙簫北去船被衣成遠望歎息此晴天

玉泉山

稚楊如竹立駁石綴龍皮水潔窺人面山空學馬嘶
微烟生古寺落日照殘碑望見黃金關歸鳥陣陣飛

又

爲此一泓水車徒日日來酪漿隨澗啜毳幕傍山開
雲鎖蒼茫樹石留今古苔荒烟迷白月風雨夜中哀

碧雲寺

金碧飛天半層層殿閣尊過橋全避日下馬漸升雲

繞水行頻失尋山氣已分繁華消國力

寺爲于太監造○躬云五

字最切國朝奄蠹

回首見風塵

又

寺後看碑記其中是賊臣汝生吾欲殺見此反傷神

翁仲當年有刑餘故國身至今西市上猶自殺賢人

寺後有魏忠賢墓

海淀 李皇親舊園

但見頽垣在猶聞繞徑香藕花知舊恨菱草滿橫塘

石落洞門閉畦寬稻葉長

園中原有田種禾

紛紛歌舞日種

得此淒涼

燕邸偶作

作客經寥落秋來雨不閒逢書貪欲看開卷每心煩

嵩嶽雲中寺

期友嵩山不能赴

翠微天外山憑將兄及弟晨

夕足三餐

躬云無聊在一足字

又

遠望當歸去還登何處樓連陰只似夢見月始多愁

叔兄云妙情妙語

饑鳥寒仍出浮雲暮欲收看看燈火夜門

掩一庭秋

又

花草垂愁思依依苔石邊涼颼通夜夢曉角滿秋天
兄病兩三日余行幾二年爲將烟雨色及早趁南船

歸舟

有約未能赴無心竟得歸孤雲秋正遠雙雁日相隨
晝短催船泊風長畏岸迴時欣同路客新月共銜杯

又

不信歸途好相看還欲疑羣牛爭浪急獨樹過船遲
落日紛無極停雲重有思如何投宿鳥一一望西飛

子懷人
在西也

又

歎息御河水今仍向北流清風遙入夜濁浪不宜秋
官卒鳴長鼓王商載巨樓書生牢落甚來自舊神州

又

紆曲長河路秋光遠處明帆迴擁地立岸動覺舟行
兄弟無家寂棗梨得性情還餘天際夢少室有孤僧
送人遊三山

亦以禱祠去因成楚越遊春花迎棹發江水接天流

况有鍼砭術能無資斧憂出門隨處好勝我坐山頭
宿村舍晚赴隔溪人家食

野老情無僞當晡亦見招抽薪爲客杖接櫂作溪橋
矮屋盤殮古空山風露高雜言農圃事肯與坐深宵
送曾周士之廣東

好花當二月送子下寒山客路長如此吾徒相往還
漸知天海濶正覺別離難羌笛不成怨春風度庾關
二

三年吾兩到識路夢能隨寄語嶺南客新從塞北回

佳時空掃徑明月想銜杯嶺上梅花發相將共汝歸

灌園

山居常恃菜性情復違時瓜蔓除方了松秧栽恐遲
揮鋤勞我僕抱甕是吾師正值秋光好千峰落日微

又

種蔬甘味別食力致心閒不課園丁事安知圃者難
孤根秋易燥惡草日能繁汲水停前路良朋自巘山

時彭中叔自
三巘山來

寒夜念叔兄在途

室裏明燈照膽瓶
殘菊花山風吹屋動
霜月到門斜
面火涼生背衝寒
熱啜茶不知吾叔子
冷落宿誰家
又念伯兄在燕

好景難窺戶深房
研凍池南方已似此
北地想應知

苦憶洪都別是行予送兄至洪都
欣來石閣時石閣兄讀書處
夜亦相過風

烟虛靜夜慚我對庭幃

偶述

最愛山居好三旬五入城
園林消壯志衣食誤平生
久愧雲中鶴謾言縑上鷹
夜長殊不寐出處聽雞鳴

薄暮桃花

誰不牽芳日時時出小庭落花疑積雪高竹接疎星
望影猶能見爭霞忽欲明春風還一度感我百年情

玉蘭花

香德君無媿辛夷迴不同枝頭來雪客木末舉芙蓉
亦在春風內偏明夜月中縱令搖落早芳味尙堪供

花落取瓣拖糖麩以
油煎食芳甘甚佳

山春偶作

春服宜輕杖春山面面開古藤牽白雪蒼壁綴紅苔

好友近皆去吾兄遠不來時伯在陝西峰頭贏得住

似喜我無才

送曾省之往福建

東望雲無盡君從此處行颶風今不發海月獨教明
莫漫惹貧士誰言是舊京余心隨共往一聽夜潮聲

又

歲歲堪爲客東風趁薄裝舟車過白日鬢髮點清霜
行得春花餞坐須佳果嘗荔枝應譜定真否勝珠江
昔人譜荔枝以閩產爲上廣
產爲下省之又嘗遊廣東

蕭孟昉五十

五十聲名久濠梁真此身

孟昉有春浮園遜圃甚佳系高連靖節

宋蕭楚太和

錢散似貞文

南北朝蕭跡素號日貞文先生

斗酒歡承

夜園花易得春鑄凝原不必君自有神人

西行道上 一百三首

三千始發朝

彭躬菴云紀路程

長夏愛清晨

紀時翅笠涼遮項

棉衫短稱身

紀行

馬驚當路蝶鳥喚隔山雲喜脫船

中滯渾忘陌上塵

紀初登陸

彭躬菴云首起紀時紀事杜多此法門人吳正名云多篇定是如此序起亦自然之法

二

暑日漸相偏，心情已不舒。挽韁勞左手，

正名云：凡事皆勞右手，惟

騎馬多勞左手，先生所以特著左手之勞也。

探路認前驢。

躬云：紀騎法認路法。

清鐸

隨山轉，遙鐘出谷徐。平川依古樹，立馬

踟躕。

彭躬菴云：字法中路徑闔闢。

三

倦客思投宿，柴扉隔水開。羣鴉枯樹立，匹馬夕陽來。

直近喧兒女，橫斜見土堦。僕夫云不是，還度側山排。

彭躬菴云：寫倦客投宿情境，偏真。僕夫云：不是一轉，忽然掃奪，又生一境。

四

一里長三里催鞭到鄭家此間有沐浴前路但塵沙

近水環栽柳橫山帶落霞江南風味在

躬云不說江北但云江南

風味在古法

堦上看閒花

五

偶向小巷去山門閉不通蜀葵明向日湘竹細搖風

久立生真意

躬云靜細行路人那得此

微吟及晚鐘勞勞行路客

似在翠微峰

六

酷暑桐城路
五雲忽冥茫
雖經細雨濕
卻受陰天涼
樹匝炊烟重
風吹山帶長
回頭語僕子
且宿此村莊
躬云如親
面頰口語

七

應門辭客拙
三反說居村
千里登堂者
點茶不到脣

久知



子豈作閉關人

躬云久知豈
作生平具見

見事嗟吾晚

從來笑賤貧

尤妙似反躬自責
自責卻在賤貧

八

寂寞寒山日
秋風意自雄
誰能居井底
目不見關中

辛苦人生事馳驅客路通漫過興廢處無用說遺蹤

九

舒城一百里

躬云紀舒城路四句一氣說下

九十里皆山直至南清

步曠然心目閒遠林青一抹曲水白三灣望見無多
路饑疲到越難

十

未午先投店減程避滑泥鴉雛歸樹早雨脚壓天低
去嶺疑連屋前川恐漲溪短簷愁寂甚濡筆漫留題

十一

晴時只苦熱作雨似黃昏不受泥途惡誰知日月恩

側肩通溜水驅馬踏層雲對面難相識知投

何處村

十二

朝暎今欲出陰雨氣全無側屋編茅潔

躬云潔字是茅性情長

天作客孤

從長天發出孤字心眼悲曠

山川留涕淚髀肉歎菰蒲

杯酒陶然醉蕭條一丈夫

彭躬菴云宵懷有勃不可遏處不知其然而然此真性情也皮厚氣滑人却不易見

十三

貧行思趁熱冀得少衣裝躬云實情實境說得醒出至此翻成悔
須秋天稍涼燒風吹眼瞎疲馬更途長賴有忘勞處
吾兄漸可望

十四

淝水人何在公然牧馬場

躬云借淝水二字一喝接公然二字下不再及一語

妙不可言鷺鷥明箇箇野草暗蒼蒼天問空勞舌鴉詩自

有腸亂雲隨匹馬零落不成行是滿肚皮無可奈何忽有此句若作寫景

看失之千里

十五

合肥方苦澁此地竟揚沙

躬云紀霖旱

唱曲栽田稻鳴金

踏水車

紀江北土俗

饑餐江北棗渴想渭南瓜

賴子弦云飢渴雖是

屬對工切而渴想字活說尤妙于下二句有情

我僕從西至桃梨并說佳

彭躬菴云小物士宜中俱有脉線零層補出

十六

古說耕牛苦馬閒芻秣優今看行路馬不及臥溪牛

躬云喚醒古今騎客

日月擲人去林泉可自由吾廬修竹下朝

暮只清秋

高渾清妙之句令人玩味不窮

十七

揚策衝殘夜輕涼露濕衣星隨河影動螢傍馬頭飛

缺月沈郊草

躬云草字妙寫江北落月逼真

橫雲挂樹枝行來三十

里

紀夜行

始得見朝曦

十八

破月應騎馬

躬云通首情懷在騎馬二字發出

計程有數千須知顏

子御緩著祖生鞭

卽事體驗提省緩字尤妙

喘氣行難住昂頭實

可憐饑疲吾共汝林際望炊烟

十九

苦因炎暑逼憐惜頗關情揚策每難下垂韉聽緩行

路傍貪齧草

躬云轉句靈便

鞭及始登陵軍法嘗疑峻于茲

想用兵

彭躬菴云深心人觸處不肯放過然亦先仁後義未嘗草草

二十

江北流風別江南迥不宐耕田純婦女服未雜驢兒

躬云紀江北耕

墩廢鐘猶在

紀墩○曾周士云鐘猶在見北風之不偷于南也

田稀

山亦微

紀田

飲餐已失我

躬云失我字失笑是莊生筆意

前路料能知

二十一

古樹參天綠當途蔽蔭多涼風不待喚酷日漫相過

舊事餘荒草閒心付逝波

躬云意中有不磨事忽忽不覺逗出

白鵝與

白鷺明白立青莎

句字有層節映帶

二十二

毒暑成消渴持瓢空屢還道途真不易水火乞猶難

時僕夫求火亦不得

投樹青冥足飲河白日翻苦辛知自有未

肯

躬云五字骨鳧

住深山

二十三

下士何為者驅車廬鳳鄉

躬云情生三字

輟耕誰隴上浪跡

去咸陽天地居然大山川只自長風吹荒草合落日

滿牛羊

彭躬菴云如泣如訴如怨如慕灌灌不休尤妙一結鏗然莫窮其際

二十四

避暑無過早裝成坐聽雞星教馬曲折

躬云奇創

鈴察路

高低

微靜

濃露留胸落遙天與地齊

曠甚寫長路入微

歸思生

石上回首夜淒淒

二十五

路遇穎州士

張諧萬

科頭興不羣談文何滾滾責稅懶

頻頻

張時以收租至劉家集

酌酒邀新月擎桃似故人小園同

倚樹未覺夜將分

二十六

太和城北路正晝得陰涼桃李如蔬密槐榆接道長

風光穿蛺蝶日色靜蜩蟬

躬云穿靜反歸風光日色妙

過此二三

里炎威不可當

彭躬菴云似感激太和城北為作小記

二十七

行來江北盡接路是河南

躬云好章法

有水皆浮鴨無村

不打藍項城沾細雨槐店脫單衫對竈成陳事嘗來

麥飯甘

彭躬菴云恰好是河南典故妙在輕點無跡○此伯敬所云通篇一氣如畫如話

二十八

岑岑迤北雨皎皎向東晴小餓貪前路連陰許破程

西北路有一定程次取粟塲飛燕燕柳陌喚鶯鶯

道多而越之謂之破程 正喜驅馳急叔兄云觀此句粟塲二 長安好見

兄

彭躬菴云活潑自在詩家佳境

二十九

道上逢車馬，弓刀側目看。
關西強作客，遼左特多官。
躬云特字有史，烟火千家聚。
書生六月寒，一驢兼一僕。
前路尚漫漫。

曾止山云極說客子
蕭條偏多雄鬱之氣

三十

家山行向遠，異俗亦相漸。
麪餅頻餐慣，風沙一路添。

躬云添字妙 得陰旋致雨，愛日却愁炎。
夾道如栽柳，長晴

自不嫌。押一嫌字生
許妄想却趣

三十一

山溪一夜漲，紆道繞林多。岐路頻岐路，渡河再渡河。

躬云有此情法非弄巧也避泥尋綠草紀泥行法汎水羨蒼鵝，盡日行

閒處崎嶇可奈何。

三十二

黑雨漫天落，侵淫水四周。脚邊高地狹躬云有高地纔寫出四周

身上亂泉流險句而安小屋且停馬，短簷先繫舟。前村河

又決，婦子早登樓。

彭躬菴云寫兩水急景須此快筆處字幹出○是河南兩行實錄他方不爾

三十三

逆賊凋殘處興亡繫此鄉強兵弛督府凶勢大安陽

假粟行狂狡愚民竟陸梁其地老儒云闖賊在宐陽山中不過數十人破宐陽

而勢始大孫督師率關中兵圍之亡在旦夕緩不設備賊出其不意遂敗及賊屠陳州散粟飢民不可復

制矣○躬云孫督撫是以中使嚴催出關始敗非弛兵也至今餘灌莽眼見是淒

涼

三十四

三里為南頓躬云章法居然光武村居然妙村周猶非共

主漢獨有真人獨字斜日荒荒落輕烟慘慘昏登祠

一下拜不覺淚沾巾

三十五

風雷雨並至，棚樹屋全無。曠野空精魅，窮天只僕夫。
依稀迷徑路，頃刻有江湖。牧豎防牛失，藏頭粟裏呼。

躬云急時有景

彭躬菴云：起二句字法中有章法，一尋一味三四寫荒忽苦急，卻合上仍一氣筆，亦挾雷雨之勢。

三十六

但須揅一濕，縱雨奈人何。
躬云：開無窮路，可作易象觀。路沒隨青

草。
比避泥尋綠草，又潦寬散白波，舒息迎馬，汎科斗一意。○紀水行法。

上身多只恐，前溪漲無船。可渡河。

彭躬菴云江北寫熱河南寫雨俱入至極偏出但
 須擦一濕妙句眼前道理非悟不開非急不悟安
 居人那得增益

三十七

阻雨裴城地晉公廟祀神春秋勞縣吏社日走村民

酌酒還堪醉題年恐未真空傳石烈士匪直過韓文

彭躬菴云忽說到石孝忠仆淮西碑事令作者受
 者一齊汗下此人可大用肅宗知之仍不用之何
 也詩至此乃闡幽補
 天地闕陷豈徒弔古

三十八

一路杳無際襄城始見山自茲連少室直接到潼關

躬云紀
襄城山

白草猶千里青天界半環

寫景幻而真

風沙過赤

日星月未教閒未教

妙

三十九

跋涉千餘里經旬泥雨中忽看新日出似與故人逢

客舍誰吹笛僧寮自擊鐘坐閒成灑掃未是學林宗

躬云結句妙今人全以皮膚學古人耳

四十

寂寞韓梁道紛紛走馬蹄無人指舊跡空自見殘碑

碧草消今古蒼天好別離遙遙飛鳥下望斷塞雲西

彭躬菴云五六十字包李華
庚信屈平宋玉諸騷賦在內

四十一

未睹秦關勢 遙山指太行
火雲連地赤 河水到天黃

設險徒勞客

躬云多
少慨歎

衝塵又越鄉 輕風隨樹至 垂柳

拂絲韁

四十二

嵩嶽雲中臥

伯兄云臥
字是中嶽

所思住此無可憐 淹歲月 祇

自歎頭顱

躬云頭顱
二字恰好

近說西江去 長令北雁孤 持將

萬古意 蕭索老鄱湖

彭躬菴云懷適菴禪師也季子向以資乏未終少室之約頻年詩篇切切感慨近聞其返西江乃止

四十三

投宿白楊樹閒過許李談

洛陽許宏羽本地李含章

昔能宗蜀漢

今不廢

此義無人說持倫見子巖竹光生鬢髮

星月夜厭厭

四十四

功令從無禁

躬云妙在從功令說來

碑題鑿不留是何關禍福

枉自作仇讐新故誰能避炎涼實取羞君非司馬甚

正可讀春秋

許李習春秋經。如此事正不妨直截痛快

林确齋云世人論詩只尙冲澹閒蘊稍涉怒張便云失却風雅其實情有必至理有當然非一境可盡適中其可便是風雅至處如風之濇茨新臺雅之巷伯何人斯之類極情極口又何嘗不風雅哉

四十五

早起看天色私心竟莫憑
玄冬惟畏雨朱夏并愁晴
鳥擇深枝立蛙從曲澗鳴
行人空羨汝暑濕飽曾經

四十六

大道苦難晦名賢不自持
釋囚周武是陳範殷仁非
口實資來世明夷見彖辭
朝鮮雖異域胙土總堪疑

彭躬菴云如此大判斷非高識嚴氣不能壓倒首二句竟欲空古今名賢獨坐

四十七

脫衣過驟漲急浪直浮須躬云十字寫危險用壯如見幾入馮夷

室曾無柳毅書浸胸天地轉眨眼死生殊危景快句始信

羊腸坂王陽事未迂不可少此一悔

彭躬菴云和公果處人不能及然似此亦幾殆矣存此為晉陽之壘并令諸子知行路之難

四十八

河南紆道至再渡及關門躬云紀韓關雨打韓王國烏啼

張相墳白楊風自戰古廟日多昏秦楚讐皆報何妨

廢作村昔韓國今為韓城村烈丈夫乃有曠語

四十九

留侯當國破年少獨思深

躬云少年最博浪存英氣不可無思深

掘橋見細心

不細心英氣反能敗事

何仍遭吏辱信竟為人禽

君與鴟夷子千秋直至今

五十

真身閒處好

躬云大學問惟不能官爵乃能閒

能屈亦能伸只為韓

王送明非漢祖人閉關愚項籍謝宴脫鴻門早托神

仙去方知用是真

彭躬菴云生良前者范蠡生良後者陳遇字中行洪武時帷幄機密多所措置生不受官并兒子官

亦辭之死賜謚以東園
秘器葬其人又出良上

五十

曉霧盈盈散馬蹄蹠蹠勞墮雲垂石壁斷嶺見東臯

何日能冠籜名山去結茅

躬云此必望西嶽乃有此想

逝將形影

息寂寞換牢騷

非牢騷人不能寂寞和公拈出使我豁然一開懷抱

五十二

遙瞻西華立

伯兄云立字是西嶽

此去定登臨乞汝高山屋了

余出世心會當瓢笠至不使親知尋忽到秦川渡野

鴉噪暮林

彭躬菴云人一無高致便是俗漢此處勉強不得
○西行看華山是和公本懷望見神往不禁踴躍

五十三

龍逢遺墓在空口側臨坡諫桀情如此成湯義若何

捫心難具說拊髀且狂歌水石流聲急催鞭去渡河

躬云要知非急渡河有十分徘徊意在○通首妙在都不說出

周曾士云不說出處正不可說正已說盡

五十四

東陝連西陝

躬云紀陝

長溝不度雲猶存營窟制

紀民可居

是帝堯民汗漬黃塵濕眼看白晝曛又傳官府至先

路辟行人

五十五

草店牛羊接繞牀
洩渟通人驢分苜
蓿湯飯共樓蔥
壁裏明星落枕頭
黑土封更須防蠹
螯門外報行踪

彭躬菴云穢雜粗
獮荒涼一一寫出

五十六

匹馬蕭條客居然
上壯關城門俯晉
豫雉堞控河山
躬云紀 潼關
碧草誰家屋青榆
廢社壇可憐今古
事此地

不等閒

五十七

估客紛紛入多從別路過如溝平渡水

潼關黃河甚狹浪勢亦平

是處可登坡越禁持私物潛裝避正科

關有稅務關因河

益險失險在茲河

彭躬菴云若只作估客巧于避稅看便不得作者之指

五十八

苜蓿生西域原因天馬來至今同野草空自飽駑駘

近水泥淹盡當途脚踏開莫悲狼藉甚漢苑久蒿萊

彭躬菴云原本苜蓿盛衰升降處悲感殊

潤未結更一拓岩烟波浩渺意自無窮

五十九

樹上秋蟬子身微最健鳴為生廿一日鼓腹二三更

躬云紀秋蟬

虛響羣山接傳流曲澗爭聞來已力竭真可

歎勞生

即小物悟出至埋令人收攝斂退受益無方

彭躬菴云多篇不可無小物點綴首宿秋蟬比杜老詠物不差近遠俱得法外意

六十

剝土成仙洞

名大棗洞

陰森長薜蘿道人貽棗子

大棗村出大棗

有一枚重

解僕進頻婆坐席延涼足烹茶解熱多

茶為

三兩者

關中難得之物

斜溝西日避策馬下南坡

彭躬菴云急路時
每有聞致最佳

六十一

山河稱百二自古說強秦短髮全如我長軀果勝人

制科沈氏刀數米過昏晨定有英雄在庸夫識未真

躬云儼然自居庸夫妙七非回護正濶眼人
細心處濶眼不細心便易失人流爲汎蕩

彭躬菴云車鄰鐵駟化爲糾履縫裳亦可哀矣人
不稱土莫道行旅書生眼中便無

六十二

古柏穿墳出交根葬子長

碑記云先年墓開時土人
見柏根承其棺○躬云紀

司馬遷墓

文章真絕世武帝大難當

文章武帝杜借對法

日落芝川

鎮河流高里旁忠臣遺石碣

有左公懋第碑記

千古在祠堂

并帶左蘿石先生卽是史記

六十三

歐公標日者細讀竟難知史記文如海名家賞在茲

偶然成意會不必定循持自詔楊終後他篇有可疑

躬云全文中拈一段洗發最好論頭

彭躬菴云予亦頗好日者傳與歐公同古人集中有不類之筆亦見家數兼舉未必盡偽五六最善讀書人方有此領會陶葛得意處也古文爲後來編訂參和實有此事卽二論學庸不免他可知矣

六十四

降敵千秋辱原情惜李陵虎臣沈異類蠶室謝良朋

石父傷無贖清娛為守貞

躬云清娛馬遷妻也守志不嫁沒為士神見夢虞世

南為之記○史遷深意得此宜豁遷為

黃壚鄰並好

梓白及程嬰

二君墓亦在芝川○又帶嬰梓似梁鴻

梓白亦是友誼所謂異苔同岑

六十五

視友知平昔

躬云可知朋友鄭重

良才可無疑戰功司馬訟賦

別子卿詩拓跋多賢王神堯大創基廣陵沈鬱恨結

構遂如斯

彭躬菴云因遷及陵章法似史記傳贊以馬蘇證
陵不沒其生平陵于秋心死矣拓跋為陵吐氣神
堯為廣開基視車騎冠軍何如也
不侯是目前事人多為目前誤煞

六十六

暑在秋仍熱

躬云紀秋

樓烏夜半啼宵行驚吠犬曙思感

鳴雞柳拂疎星亂山令殘月低扶桑看日出已度灞

橋西

點出灞橋

六十七

曾從辛漱六

渭南人

得曉范湘賓桂權寧辭楚桃源卻

在秦范楚人居西峰天日近上界道心真惆悵斜陽

裏空堂鎖華雲

彭躬菴云此和公入華山詩也徐霞客徧窮五嶽從蛾眉紆道出崑崙遊山家首宗之著書盈抱卻不遇一真正人便少味和公孜孜看山求友不遠萬里足空世流長霞客數格

六十八

我來荆戶寂各各不相期時訪華陰王山史富山水

神空王友朋道在斯雲閒時出岫日昇路多岐寄語

王山史誰教獨鶴飛山史向寄傲獨鶴亭今乃應時

彭躬菴云和公詩定有英雄在富平李中悅李天生差足當之寄語山史皆君子之愛

六十九

白馬克官廐騎來衆目殊寵臣輕衛鞅令客重相如

憩寺茶桃進投村粟草輸可憐涼煖意于我竟何須

彭躬菴云翟韓城以已所乘白馬送和公遊龍門
華山邑人見馬知爲令重客一時饋秣趨將恐後

和詩云然有男子
張君嗣附之之意

七十

禹廟飛金碧龍門鑿石崖

躬云紀
龍門

黃河爭口出雪浪

自天來細罅拳蒼栢古碑篆綠苔中州聞更勝定擬

策駑駘

河南府亦有龍門

七十一

陰崖明記字九里三分深河勢奔千仞水門只一尋

山通天日僻浪擊蛟龍沈傳說禹墳在

躬云紀禹墳傳說又疑妄

洪波不敢侵

彭躬菴云歐陽玄作修河碑記俱載丈尺令後人可尋治和公起載陰厓字便不是詞客心眼

七十二

九州 夏甸 竟延年大禹垂旒處風波打釣船

寧當洪水日尙是帝堯天細雨東來急雲光倍黯然

彭躬菴云口筆俱大氣衝山登臨月露何從著手
○對大山水須大懷抱方能吐納上下千古心口

毅烈覺杜老
尙未能辦

七十三

別墅臨魚沼微風水欲波

躬云
佳句

清秋寶瑟動遙夜美

人歌雲寫青山色

佳句寫
字妙

星沈碧樹柯幽情看不盡

涼月下藤蘿

彭躬菴云到此却又風致總是性情無所不具只參些子假不得

七十四

秋夜清如許西園圖畫中花陰零碎月

躬云三字從
無人拈出

竹色婀娜風靜水明魚藻

佳句

克盤煮鹿蔥坐來殊未

倦遠寺已鳴鐘

七十五

馬蹄生白日人影過橫塘
恍佛宵征處樓遲夜色荒
風林飛宿鳥露草咽寒蟬
西隴閒鸚鵡誰來問

七十六

汾陽王故里

躬云直下句

廟貌柏陰森地力生何厚天功

不可尋

贊汾陽確妙他移不可

閒身能到此

此閒身字莫汎看

好鳥故

多音驚喜成留戀

實心實境

門前日欲沉

七十七

乘驢還有路

華州東關有
希夷乘驢處

大笑

夜黑長如此

那得知

妙

髮隨塵日白眼入塞雲
逃正憶林泉

好沙汀一鶴飛

彭躬菴云笑哭不得乃有此詩。希夷大有壯志
人遇趙太祖立乃放手耳大笑墮驢喜脫肩爽利
救時是豪傑不得已事為太平之民省却多少氣
力所云英雄回首即神仙也此意為和公申之

七十八

我來兄久去作客寺東廂
已是愁為屋

楊御李云
愁中創語何

勞月上牕揮箏歌不歇
擊鼓夜猶長
秋雁仍無寐
連

聲過佛堂

彭躬菴云尋伯兄看華嶽遊長安是和公西行大願今失却天性一行矣孤踪萬里去住無著宜有此詩

七十九

昔日開元寺躬云紀規模大一城羸餘五十里三萬

七千僧好記手足見鴟吻低雲漢蒲牢動曉星禪師

語在石博得雨淋鈴此真棒喝

八十

拂亂年來是蒼天苦費神肯將施大任輕易與庸人

躬云自嘲自笑若哭若歌曲石苔仍碧小花蘂又新無端僧舍裏

日看殿頭雲

貧士行路之難極
敗人意傷處在此

彭躬菴云天以太華三峰贈季子酬萬里之勞自
當令伯于南行取償頓挫此亦費神之一端也吾
輩以古今為得失目前空乏之行路艱難要
季子胸中自有得失固不以此易彼耳

八十一

孔聖輪為帝與天大一儒尊崇通婦稚禋祀勝唐虞

躬云可參皮日
休孔廟碑記

稀果先秋美叢芳長物殊

妙在著二
譬使局勢

一舒詩中有
古文章法

功高湯武者食報定何如

八十二

太子千秋去荆軻不刺嬴烏頭思可白馬角憤難生

雲鎖咸陽樹烟迷漢帝陵

躬云并秦漢一齊解脫

西風涼特早

匹馬過孤城

彭躬菴云此去秦詩也不一弔荆卿便成缺事葉具京云入秦不說荆卿不可若特作議論論其成敗亦未可知惜哉劍術疎之類淵明等已言之矣而壯其刺秦之氣略其成敗則和公五古隨成中已兩見之此特徵點荆卿借他說自己胸中話境界最是活潑

八十三

萬里往來路兄歸在我先自然添白髮未敢怨蒼天

抱病行增病無錢坐費錢

躬云行坐恰好窮途實境

豈應便不見

更問浙江船

八十四

兩到驪山下溫湯望裏孤空知為亥趙

諸子世傑云有以亥趙名

姓合用為疑者傑考賈誼新書稱曹參周勃為曹勃

淮南子稱紀殖華還為殖華漢斥彭長碑稱高柴頰

考叔為柴頰則自古多有無足訝也今尚說陳吳羶酪忙奴子侏儻叱

僕夫太真遺跡在會見祿山無

躬云太真浴溫泉安祿山亦曾賜浴溫泉

故有末句

八十五

東望秦皇墓涼蒿接地青霸王傳一炬牧豎可同名

匠骨空藏穴人膏不照燈徘徊何所見獨樹立蒼鷹

彭躬菴云將潑天氣焰點化作一杯冰雪富貴
濃熱人何可不誦此詩此和公去秦回向語也

八十六

曉發將停午空林不帶烟饑鷹飛覓鳥渴馬立聽泉

喜近秋涼節曾登太華巔

躬云登太華似了却生平
一大逋負宜其口頰津津

也東歸殊未晚滿目望晴川

八十七

羽毛孔在圃魚稻鶴依人輔志師憂患周身寶賤貧
林泉容散髮筆墨且輸君定擬編茅屋來分太華雲

彭躬菴云三四十字是季子居山汎海入燕遊秦
本領無此本領則居山不過一隱民遠遊不過一
詞客矣磨磷澀溜總是性情無著根處若志
氣真實便一切都漸染不上不必聖人也
林确齋云世人論詩稍涉道理便云殊有宋氣其
實出之精蘊便是風雅至處說理精實者雅頌蓋
不勝指矣如風之瞻彼淇澳秉心
塞淵之類亦得槩以宋氣日之乎

八十八

再向潼關出秋風滿客衣羊無蘇武牧馬有騎

曉日穿楊柳浮烟冪柘枝黃河多濁浪鷺鷥不啼饑

八十九

伊洛乘驢渡來時幾殺予先時水驟漲予傾崖歌獨

涉此幾漂溺

鹿陸海見多魚

時海上降人布耕秦豫之間

易藪仍無疾采山歡

有餘秦梁古道上秋色共寒儒

躬云此二句之妙十日尋味不盡請同人

共參之

彭躬菴云季子眼中豈容見此物哉然季子意中又不妨有此物鷹鳩聽其自化

耳末句是大鑪鞴

九十

馬上看明月九旬始一逢陰陽爭曉夜人影在西東

躬云唐人中有數名句

鷹鷺尋溪早牛驢服耒同閒身兼估客

總入路塵中

九十一

日出許州城秋風渡灞陵

曹操別關壯繆處

橋頭涼露白天

未曉雲青不見英雄跡但聞流水聲

躬云如此乃可言渾晨星

騎匹馬三月未曾停

九十二

數里城邊沼清香遠處聞曉荷風弄葉秋藻水呈根

片石芙蓉下平池菡萏分家山難便到想此亦怡神

彭躬菴云真可云天機清妙三月馬塵無半點俗氣那得不服

九十三

分路東朝日晨光映綠莎山投邾縣盡水向鄆陵多

躬云紀邾

念伯歸惆悵愁予歎奈何遙憐克段處兄

鄆山水

弟自操戈

今鄆陵城是鄭伯克段處

九十四

昧且經泥濘明明阻一湖晴天有匝月積潦尙盈途

雞黍真難約蒹葭思已孤

時約過太康軒公劉扶溝平烟水皆隔水不得至

明年來少室此會不能無

彭躬菴云予想慕公劉二十年矣聞其使雙銅簡風霍回霍大似沈伯和近乃更作詩似可無作卽以此席讓文人占去固不失英雄本色也和公先得我心遲之以水阻不得至僅留此詩

九十五

西華登臨後神依落雁峰

南峰華山之頂
又名松檜峰

黃冠須早

著白髮不相容日散桑榆影涼吹黍稷風秋天何曠

蕩馬首漸來東

彭躬菴云季子意中刻刻不忘華嶽持
世出世是云高世此際人不易及也

九十六

天漢接城頭征夫未得休薄寒催畫角繁露濕清秋

旭日雖遲照浮雲幸已收他星俱不辨空自認蚩尤

彭躬菴云二十八宿羅胸中元精耿耿貫當
中煉出智眼自無錯認然一歎龜蒙耳悲哉

九十七

峰頭一勺水想亦發荷花萬里錢爲足頻年客作家

妻兒愁月上兄弟憶天涯

時伯子在浙叔在新城予西行在途何日西

南合來烹冠石茶

九十八

晨行將七十午到漸生饑野曠前村遠風高落葉遲

渡溪清欲飲坐石冷難支促織鳴何急涼秋未授衣

九十九

秋雨送淒涼驚心過鳳陽汗泥眠御宇

太祖有萬世根本四石字

烈皇帝取落欲移往燕京值
亂未果今臥府衙前牆側
衰草覆宮牆鳳陽無城
郭太祖始
欲建都于此所
置禁牆猶在
鳥逐茅簷少民隨社稷亡問誰能似
此洵是聖人鄉

一百

宿處朝曾記逢林望此村看名尋舊榜躬云紀計里

數殘墩江北以土朱柏何王墓紀王墳青蒿廢石門最

長江北路日日到黃昏

百一

斜陽明曠野綠樹隱招提天入高秋遠躬云寫秋天
語平而出

鷹隨落日低
匹馬來鐘鼓
輕裝帶棗梨
喜今投宿處
繞屋有清溪
似昌黎見
歛之喜

百二

誰知髀肉淚
老大實堪嗟
時運驚鬚髮
衰徵到齒牙
無虞消白日
有約近黃花
只此微生事
崎嶇過歲華

百三

六合休行駕
買船出大江
逆潮晨在岸
乘月夜鳴榔
荇藻鳧知樂
海天雁到涼
風塵雖暫息
鼓柁尙他鄉

林确齋云躬菴諸評有深細有開拓可謂妙得
心眼矣予則總括是詩曰聖賢仙佛豪傑高隱

清明日行旁羅道上觸目

溪莊聊信步高屐趁春風
野菜沿籬摘香秔激水春
焚錢飛蛺蝶放學走村童
酌酒齊歸飲何曾醉乃公
溫匡雲招賞紫牡丹

春日新晴好天香簇錦枝左
花先得豔西紫後偏宜
客至松醪熟風來繡幙欹
鄙人慚著姓富貴久相遺
辛丑同葉中林度歲辛亥復同因賦

南越同分歲於今歲十更逢
辛歡再聚說丙竟何曾
多雨梅英歇深杯竹葉青
爲思騎楯夜老興有余生

辛丑除夕同在余生寓
是夕生生醉後騎欄狂呼

舟泊石師山下漫題

招提隱綠樹屋角帶青山叢竹鳥知悅幽居人自閒
榴花門外發茗葉佛前攤堪笑淹留客春芳坐欲殘

寄姚六康

遙聞石埭縣名士善爲官庭宇日常靜花枝春不寒
論文催酒熟退食索書看更得野人意相期在古歡

彭躬庵云偏真唐調後六
句是名士善爲官注脚

次韵贈友人

性原愛逸士一見覺難違似我竟何得如君解者稀
詩工王季友画作陸探微相對供高妙湖光正可依

曉發

結束夜方盡雞聲茅店村野花紅滴露草色綠隨人
記得分離曉行過寂寞春客途三別友長路細傷神

題画松爲壽

落落倚長澗蒼蒼覆短扉誰將筆墨跡寫出烟雲姿
白雀巢宜偏丹邱道在斯著書親種得不數萬年枝

楊永年出晤

傳得天涯信飄然下故鄉更欣黃髮友來自白雲堂
對面湖山濶懷人道路長與君同曠望正好論行藏
同遊西樵贈別麥叔夏

淡遠同秋色烟霞老此身若非探勝地何以共幽人
空水明長夜歸帆逐斷雲翠微峯上立好月一思君

別湛用喈

渺渺風帆去君言來歲來不須明月夜纔入故人懷
燕趙酒徒好江淮地勢開攜將南北事一一到山齋

宿山家

村路盤叢嶺人家早夕陽梅依山徑好茗發石泉香
煨芋圍殘火煮糜拌老薑紛紛名利客此意那能嘗

又

門外有行役我身殊未閒何如此茅屋長得住青山
耕鑿隨天意顓蒙隔世間鳴雞催曙色別此覺爲難

舟中漫作

鄉音猶未遠已覺客愁生欲語向何處看書竟未能
宵鐘來野寺春水散漁燈倚棹遙遙望烽臺打二更

又

日日愁風雨開窗纔一看
橙花江步晚竹影石潭寒
寂寞思長醉超遙集百端
不知征戰地何處得平安

又

蓬窗渾似夜江雨大如灘
小隙窺書苦長天辨睡難
妾因無事好詩恃有人刪
且自爲朝暮春風吹又殘

借一亭牡丹

豈徒香色妙性不爲人諧
好似成之背

令兄自鳳陽携種歸中一

本最盛者自令兄下世乃不復著花

難因天后開世傳巴蜀勝種喜鳳

陽來何必青城樹千年倚玉階

翠微坐月寄懷范彥公工部

翠微今夜月分外白於霜對我疑冰鑑懷人在玉堂
披襟承露重拈韻剪燈長遙想夢闌處顏色照高梁

鮑子韶四十

君今纔四十聲聞蚤蜚騰游夏已通固春秋不學弘

題詩吞斗酒談讌狎良朋好是西河上青山層一層

二

幕府須名士西江久茹荼曉風臨秣馬春酒賦驪駒

欲問旌陽道

子韶生日後卽赴
尚將軍幕於南昌

請看鄭俠圖飛鴻中

澤集出處見良謨

寄示兒儼

新日開林樾熏風驅夏寒
家山爭朗暘樹果漸團圓
盆草嘗凡去官租可得完
時須童子至爲竹報平安

無名樹澗

古樹騎流水無名卽有名
鳥飛難上去人跡向前行
沸雪爭門落雄雷出地聲
灣盤村路入寥落屢經兵

上先子墳

一陌空存碣酒漿歎在斯
耕田難束帶誓墓感臨池

徒抱原鴿痛真慚生我詩樓棲當半百兒鬢亦如絲
寄涂宜振

我識涂君久和光獨尚真一樓花接席幾度月窺人
直得書中住兼來湖上身

宜振方遊
西湖歸

寒冰醜酒日隔

此便三春

湯動吉步負來翠微謬欲執贄予不足當賦此

道意

擔簦數百里寒雨到寒山筋力肯如此心胸豈等閒
是花克勁草舉世愛芄蘭求益誰能下於君見一班

二

伊予爲學拙老大媿衣書未教頻知困耽文只自娛
感君螿馬意歎我樛株拘敢蹈人之患他山誼不殊
宋牧仲郎中招同覲松大士及諸子集城南僧

舍

愛避繁華境招提作勝遊高僧殊磊落名士足風流
地僻難消暑心閒易得秋使君饒逸興不減庾公樓

苦雨

開戶烟雲合小庭欲產蛙家鷄鳴竹箐野鳥啄梨花

天變祗爲瑞人謀不用嘉無勞饑饉慮米又出長沙

二

石閣無春色寒泉泌泌來室中人不見

石閣予伯子及亡姪讀書

處 墀上自生苔義竹根猶發荆花爾尚開此身空復

在悲涕灑蒿萊

三

叔又移家去方塘汎細蘋周遭花裏屋一个竹中人
疊磴紅茵重閒堤翠柳新存亡無限恨風雨過三春

贈別詹莪士

板磴如猿掛艱辛到易堂我妹慚魏野君絕勝詹庠
花氣雲中豔蘭言天外香踟躕難別意豈獨在文章

旱

僻壤何勞旱中原菽麥稠裸裎頻達旦爍石又經秋
天意誰能測民危卒未休慚予閒坐簟叢蕙一庭幽
不寐

夏雨連三日淒風徹耳酸考鐘天未曉擁絮夜猶寒
錯鑄嗟何及刀鳴那得安荒原徒抱恨撫枕淚闌干

遣興

永晝喜無事幽懷夙所耽山空風似雨雲去樹如嵐
打鼓頻成課羅書亦是貪還尋送睡物蕉葉勸微酣

又

人跡不相到月光雲作緘攤書纔得兩與影未成三

甘中素云緊分
頂頭二句章法

妄聽思蘇軾神遊想呂巖山僧無一

語終日荷長鏡

山口望兒儼不至

汝去兩旬矣前期胡不然計程當正晝視日到虞淵
瞑色松間靜孤雲石角懸歸鴉將子至鳴噪動林烟

儼暮至

我適倚林望我還汝乃來豈徒消想念且自費疑猜
虎跡交山徑犬聲出石臺挑燈論腐史頓覺老懷開
讀史偶感作

高武漢雄主賢賢禮不寬呼良惟以字見黯必須冠
瀆自守鯢鮒枳難棲鵠鸞可知閔仲叔安邑避猪肝
二

時勢無容失久持自有方嗣源能入汴朱晃反歸梁
芻狗悲陳涉井蛙笑五陽廢書臨止水須髮白蒼蒼

和丁觀察筦園詩韻

幽園堪習道不隔丁仙塵
明月清虛照好花次第新
時閒摘白雪秋色亦陽春
方寸桃源在無煩別問津

二

讀書明大意采取得其長
名士寧爲漢詩人不在唐
樹兼園沼靜花入硯池香
欲訂千秋業還紉金匱藏

三

羨公兄弟好唱和自怡怡
餐秀晨光早論文夜臥遲
旣堪同綵筆亦可覆前碁
酒殘澆書用清真莫過瓷

四

曲壁題牋半當窗掛響泉從來無俗韻賦授有奇偏
壯志依陶甕覃思扣柳絃清齋容賤士不乞買山錢

五

出處吾無似殊慚竹裏茶漲高宜發棹春老又離家

得涉園中趣還咀月脇華

時公又示涉江詩

編籬成曲折屋

角拂山衙

六

不獨操觚易何曾公事難墨光流案牘筆格自峯巒

下瀨沿江賦西山拄笏看自公來涖政安處置吾安
月臺夜坐同彭彥修盧孝則次兒世儼兄孫家
桂彭存訓分賦

但覺閒情好登臺到月圓綠多天出少清極夜無邊
把酒空身世吟詩當管絃暢哉同數子此樂可忘年
懷白僧采菴池千葉白蓮花見貽三五日更致
新者詩以酬之

客居煩汝致菡萏續軍持琢玉成千瓣分霞匝一絲
堂虛香自遠日暑淨尤宜對此饒欣賞紅蓮開未知

適園有紅
蓮花滿池

又

平生不佞佛，卻羨坐蓮花。
惜是黃金色，肯遺白玉葩。
清池開莫驟，凌雨漫相加。
縱使俱搖落，采須共佐茶。

山中卽景偶作

冰雪頻仍至，寒威日日加。
木枝衣竹葉，水玉罨梅花。
遙接渾茫際，寧知太古遐。
支鑪煨榾柮，卽此是生涯。

二

摧折多松樹，離披亦可哀。
豈伊天地閉，不樂春陽開。

堅節老能俟爲薪匪不才
杖藜行眺望一日幾回來
三

誰識陽春律想乖葭管
灰漫勞稱瑞雪蚤已並冬雷
蕊錮寒花苦枝膠脫葉堆
莫關休咎應且盡掌中杯

四

松葉懷冰密當簷破屋
多不教餘子逸可奈正人何
凍解晴難到天昏日易過
陰霾看又重春事歎蹉跎
贈別陰生寅賓

桂花香已過寒氣早相侵
將盡梧楸葉漸堅松栢心

編書徵實用

陰生編通鑑類鈔

玩世托閒吟山月當遙夜銜

杯共古今

二

竭來芒屨雨歸去秋山晴白日隨天遠清烟夾水生
千峯畱蘊結一徑引離情莫向東南望誰能五嶽平
下鄱湖忽北風起黑夜牽纜泊德安港口柴榜
漁船半是豪客凌晨急行

四月鄱湖水無邊卻有風輕舟難壓浪急雨欲穿篷
雲失廬山處天浮岸艸中空煩豪客想我且歎途窮

又

晨發迎清露懸帆路較通江豬偏拜浪湖水不禁風
澤國晴兼雨船檣西復東虛天憑蕩漾身世覺俱空

又

康山征戰地水勢一徒然王業今何處書生獨汎船
雲籠殘夜月草共一帆烟莫漫悲涼思風光在眼前
望東流城將泊

日行三百里尚怪榜師遲檣指城烏宿波分野鳥飛
賈船攢漸近市肆語先知霞影微微散天邊出翠簷

贈相人者許君榮

章貢相逢舊論交
此日新唐生徒見
貌許負本知人品
藻從心得談言出
性真英雄貧賤在
慎莫昧風塵
寄懷文信子

容秋亭上坐動是
匝年餘道里何難
至山庭有索居
水雲思宛在花樹
較紛敷父子論文
日無忘一起予
書荅贈盧孝則詩
餘紙作此

之子能乘興山庭
坐好秋籬花猶未
放竹葉正新篳
不覺來爲客可知
去是愁肯畱餘幅
在揮筆更相酬

西山過石州墪弔之

能耽詩画趣閉戶足朝昏合我纔來至斯人竟不存
春花草裏色古樹屋邊根惆悵清魂去拋書誰共論

二

豈獨爲僧好故交頗有情圍城全魏子多力借袁生
濁世憑麋聚空山聽鳥鳴猶聞言往事歎息在田更

日落

山中當孟夏日落竟如秋白壁繁枝畫青陰細鳥投
陽公揮莫挽夸父渴難瘳竹裏遙村夜燈光分外幽

秀之二
卷之二
三十一
郊寺偶題

盛暑尋開土輕涼坐上方
綠圍蔬菜圃碧炤放魚塘
到此意俱濶無營晝轉長
正離塵市好前樹又斜陽

來青軒

神宗皇帝御筆

聖人留筆墨瞻對肅臣心
龍鳳交盤護風霾不敢侵
明霞爭麗闕積翠引遙岑
宵宵斜陽下歸鴉已滿林

栽菊

雜長同蕭艾青青映華門
合當梅子雨分蒔菊花根
霜露豈難待修治不易論
但知重九節佳色滿磁盆

寄內

今年春色苦陰雨落寒花况復水千里居然天一涯
心煩多問酒胃弱少烹茶愁作敏之夢醒來未到家
周長孺五十

慨然辛讜意豈得老林泉湖海聲名舊子孫家學傳
清晨雲到戶朱夏日當天五十年纔半看君着祖鞭
河南道上

樹裏誰家屋看人坐綠苔風頭吹日去馬腳送塵來
感此思遺世俯躬歎不才夕陽憐馬首無與拭氛埃

又

小寺琉璃屋移來帝子家
燕雛渾不識野草自開花
馬解貪芻豆人歡種麥麻
哀鳴知感慨似有殿頭鴉
五日酬楊叅未外兄示詩

重五重爲客羽書晝夜騰
漫縈長命縷且作辟兵繒
耳熱非因酒心煩欲飲冰
君居鄰八境悵望不同登
又

蒲觴曾有約親舊肯蹉跎
不見峯頭竹想看城腳莎
龍蛇歌已就牛馬走偏多
莫惜無良會還期碧沼荷

郊縣

十年雖過歷興廢等塵埃
郊廓今猶是周鼎安在哉
白雲繞闕任綠樹出城來
爲語遠遊子前朝且莫哀
道上

風葉秋林急冢山歸未遲
中原祗萬里上駟不兼時
謀食勞吾伯寡尤賴故知
遙思石竹徑清話自來期

乙卯元日

偶然成歲月比戶說春
王子舍風中恨辛盤雪裏香
留青看勁木吐白愛寒芳
梅蕊忍冬葉相將映草堂

春寒雨有懷曾益齋行邁

垂簷愛綠樹竟日一開門
落魄遠行客風烟何處村
傍鑪欺熅火挾纈失奇溫
歎息向妻子能忘飽煖恩

西還

當暑來爲客秋歸木葉凋
勁鷹方得意弱柳漸垂條
身冷肌生粟風驚馬墮橋
入秦同季子欲蔽竟無貂

贛灘舟中

天地倏然黑不知西與東
正逢鈎脚石偏遇打頭風
水激雷聲集山奔江面叢
只將身度外間在波濤中

喜晴

睡醒窓倍明
鳥雀繞林聲
躡屐何曾緩
呼僮問是晴
綠光開竹樹
白日動簷楹
不見天心久
誰知望者情

家齊

山居無事春日正
長閒弄兩孫
玩其言跳或擣
花下或就塾
歸句贅前指
隱穿林
樾袖手隨行
或疾或徐
夕陽照映
意殊欣樂
偶寫二章
聊以

自娛

家齊當七歲
行動足歡予
蚤學平安字

齊六歲入塾
嘗寫數語來

城問予 晚隨花竹居頻頻
尋紙筆歷歷指經書
小慧平安 須知勉莫教長不如

家基

家基甫六歲隔屋出書聲
歛舌饒佳趣千支解識名
持杯能夜坐適館亦晨行
寄與先生道早歸慰老情

遊研鄰卻贈

名園供客玩因見主人賢
曲折情相引參差斷復連
盤廊花映石複閣水如天
坐此可忘日一年當兩年

又

蜿蜒紛麗藻不信亂離時
面面轉相向踈踈更自宜
接談無俗韻爲樂有如斯
獨笑閒遊客開船只恐遲
兒輩摘櫻桃就樹下啖之

憑欄時一望瑟瑟間珊瑚葉
密人微見林深鳥競呼
猿獠看似汝饕餮亦將吾
日暮來歸去新醅不用沽
繡毬花同彭彥修門人王子
玉盧弇則兒世做
世儼賦

佳卉時時發山庭日日宜
殘春將入夏團雪尚盈枝
茉莉攢來密酴醾賞莫遲
此花吟詠少我輩合題詩

卷之三十一
贈曾青門三十一

秋日佳無極詩思筆底收
蓮峯餐秀足梅水作名流
方壯書盈笥高懷月一樓
誰能紬石室訂業向千秋
視李氏女東龍歸途有作

甫完兒女債五嶽昔曾遊
若待了婚嫁誰能不白頭
吾今艱百里汝隔豈三秋
自是難畱處千峯結我愁
又

風雷烟雨過微日到林間
流潦同爭路歸雲各在山
回頭心脈脈憐汝淚斑斑
遙問漢唐主和戎太厚顏

白海棠開有懷陰生寅賓

閩產稱難得陰生遣致遙羞將比虢國淡掃亂唐朝

依艷孤如僻

時置之紅
海棠下

乘春亦自嬌木桃投有報况

此是瓊瑤

鄭若于過京口言別賦贈二首

揚州不得別特特渡江來一棹烟雲興千秋雨雪懷

古人未易此今爾洵難哉似爲君畱宿明晨船已開

仁

赤日烹江沸扁舟訪友情遙光連岸浸空藹共潮生

昭語添佳士

郭樹聲在坐

哦詩走令名

若干有別詩

嚴灘取次

上予即溯錢塘還山

弔古憶同聲

和荅彭子安喜雨見懷予遵用正韻故後二韻

未依原唱仍用十三元合于正韻者

豈但農夫事山池長碧痕瑞雷驚草屋噫氣吼柴門

綠竹還舒葉黃花欲發孫東巖耕讀勝滋潤到茶根

官人山將晡望兒儼侃不至

日落山光靜晚隨長谷先犬聲翻應外人語似來前

淺水斜橋抱紆岩仄徑穿行行復立桃樹竹林邊

元日試筆

好待陽回日人間又一年梅花寒谷曉松葉翠雲天

蛇二仍爲道

歲建元日俱屬巳

龍三始是乾兒孫椒酒進奇

服照山川

別封右瞻

在昔兩堂友

程山易堂

相知氣誼真只今零落盡老作悲

涼人親善尊君舊殷勤後嗣親寒天松柏意送子倍

傷神

夜月集吾廬同彭彥修門人吳子政歐上閑王

子玉賴晉公沈仲孚盧孝則見世倣世儼兄子
世侃分得東字

酒罷夜方中于山烟靄籠冰壺行我輩玉筍看諸公
松樹高于月花枝好在風濁醪難醉客慚媿我爲東
積雨得晴花事復佳與諸子同賞分賦

已過五八數予家自曾王父來四世未有過五十八歲者今得是餘年作

善何容後爲歡亦務先殘雲収雨色芳樹悅晴天著
屐呼印友題詩樽酒前

胡媚一輓詩

胡公理萬事天下號中庸及髦猶跟屐徒行不杖笏
園亭同白墮邱壟長青松繼美綜冲是魏哉馬鬣封

黃伯衡六十一 善書一函琴詩及篆印

千支歷已周游藝動名流墨妙原多壽琴聲易得秋
篆知分漢魏詩欲擬應劉最羨九旬母稱觥樂未休
紅橋泛舟畱別邗上諸君子

若無今日會虛負此遐征不盡良朋意彌淡好我情
湖香分棹入暑氣到林平苦憶明朝別前途正說兵
送蕭有緝歸南雄遂往廣州二首

三春惟見雨雲裏送君行日返梅銷嶺還過趙尉城

故人無恙在并問何陳陶諸子芳艸逐潮生莫問當年事

鶻徹夜鳴

二

我伯思何在居停獨見君甲乙之亂先伯兄僑有緝廡下甚久至今石

閣恨先兄讀書處猶銷嶺頭雲新綠連天暗媽紅著地殷

春風揚去棹能不惜離羣

得諸子拙軒分賦詩有作

諸君遙集處把酒近田家時雨添新葉春犁帶落花

人歸芳樹下詩到夕陽斜
看罷牽餘興揮毫趁晚霞
霞綺園雜詠

制宅可觀士主人定不常
當門濠濮遠委巷月城防
曲曲開生面層層有別腸
况耽吟詠僻乘興佐飛觴

二

行至荷亭上蚊蚋雜聚聲
花欹窺檻進葉正帶珠擎
微曙從空轉長林太古生
爲憐飛去鳥汲汲亦何情

三

生徒傳講業清磬響淩淩

外庭有經師授業者

方篤宰予寢難

逃孔子憎推衾懶聽鳥揮扇急驅蠅且坦便便腹此
閒得未曾

四

投石常驚夜看窗喜及朝頗聞三邑盜

傳瑞金零都會昌盜皆聚

他館頗有肱篋

恃有五更簫

園中有好吹簫者每至五更即藉為徼守

窮計應斯

濫奚囊豈見招吾今思善策寧學接溝橋

五

飢寒深足恤博塞匪天窮相勸毋為此良圖可保終
莫因官法曠須畏鬼神攻倚伏觀恒理搖搖適意中

六

無日無朋友偶無尚有兒深同卽坼

晉公也

語喜看立

園

仲孚

詩逼暑移幽院迎風選密枝溷軒花簇得何事

不相宜

七

曉開響竹房青冥竹生涼草滴垂垂露風吹裊裊香

詩書消日暇景物助人忙水沸茶初發蘭花滿一堂

八

荷沼分三處當中置一亭清香遊枕簟馴鳥啄窓櫺

客到兒姑待影斜睡欲醒羲皇吾不識開眼望林垆

九

雙江歸上閑

上閑韻返獨後頗念之

朗若對秋山還自雙經水

水東來霞綺每渡兩水

來看一老頑追隨花竹下忼壯友朋間

文采兼存素庭柯愛白鵬

十

朝餐喜啜粥嗜好各依隨肯受長源謗

予性嗜糖可配粥飯無

攢靖節眉性不採池蓮葍美出盞界香吹肉食今來

少園丁莫拔葵

十一

令尉能存客徼巡
飭此方枕安幾夜
夢雨送一天涼
薄德慙鄰並詩人
做太康開門明月
靜水樹漾蒼茫

十二

菱葉高于頂蓮花
又出菱溪苔畱落
瓣密樹護危巢
只對科頭客無煩
襪襪嘲同題詩適
興隨意不推敲

十三

落日斜穿檻尋芳
曲徑行雜花隨地
發斑竹漫天生
待月前池得看山
獨夜清迢迢西望
盡忽起故園情

十四

日夕名園住遊觀勝主人
晴明無數好烟雨一番新
秋到黃來葉池光碧映身
但令罕物役其樂過于春

七月十五夜

初秋涼雨過天洗月新
磨溥露忘深夜臨風發浩歌
人歸庭宇靜魚動石池波
清照同千里良宵柰若何

又

異端邪說競地下獄門開

釋氏云中元赦罪地
獄開俗皆歸家迎祖永坐

先人罪忍增孝子哀若言
今自返他祭是誰來正道

如松柏寧將枳棘栽

玉蘭桃花並放

春晴花事好豔素交庭柯心賞真愉快形容待若何
毗拳湘客怨騷並美人歌最美羨辭榮蠶同舟載葶蘿

又

佳宜欹側看指點向吾曹質豔明分玉蘭香恍自桃
誰能孤麗日寧不醉春醪連理將無似俚紅未損高
霞綺園池上偶作

空洞真無着池光入窅微魚從天上躍鳥向水中飛

竹色深苔徑荷香戀葛衣嗒然吾喪我僮僕亦忘機
望雨

春光好是晴樹尚有繁英豈願佳辰雨其如田父耕
風驅雲每盡星照夜還明民力東南竭憂時屬鰥生

二

耕者頻頻見人牛歎共閒且云連歲儉能復此時慳
嫩綠眠枝軟乾紅着地殷卽爲花卉計亦欲聽潺湲
舟中贈友

江天歲偈暮冰雪送歸程中路還相值扁舟喜共行

事師風薄俗交友露真情寄語衣書者儒冠浪得名

孟三從兄貽水仙花

花萼垂垂密蘭梅又作鄰

時寘是花于蘭缶瓶性原梅間予居與兄最近

躑水石何事擬金銀瑩澤抽條早幽香別映春一枝

饒卷皺千葉始爲真

又

污泥出不染高品似蓮花素壁裝黃玉清泉浸白沙

江妃曾解珮河伯自餐華好是庭堅詠偏宜處士家

吳子政招諸子集屏武各有倡和詩予遙和一

首次子政韻

山川迎戶入坐臥看雲生好是盈尊酒能澆萬古情
羣賢王序得聯詠庾公清不寐吾曾慣遙疑擊盃聲
次韻酬鍾鹿村夢至翠微之作

感君思夢賦遠到野人家幻入槐安樹毫生太白花
竹烟虛夜月蘭臭並春茶何不真來卽空教望眼賒
燈下白菊影

重陽秋節盡素致濯寒芳守黑因明著傳清亦暗香
檠移形物換眼轉化工忙孰謂幽姿淡離奇滿艸堂

